

BOSNA I HERCEGOVINA  
FEDERACIJA BOSNE I  
HERCEGOVINE  
TUZLANSKI KANTON  
OPĆINA BANOVIĆI  
OPĆINSKI NAČELNIK



БОСНА И ХЕРЦЕГОВИНА  
ФЕДЕРАЦИЈА БОСНЕ И  
ХЕРЦЕГОВИНЕ  
ТУЗЛАНСКИ КАНТОН  
ОПЋИНА БАНОВИЋИ  
ОПЋИНСКИ НАЧЕЛНИК

Adresa: Ul. Alije Dostovića br: 1. 75290 Banovići

Tel:00387 35 743 400, Fax:00387 35 743 433, e-mail:opcina@banovic.gov.ba, Web:www.banovici.gov.ba

Broj: 01-05-1116/17-6

Datum: 02. 08. 2017. godine

Na osnovu člana 64. stav 1. tačka b. a u vezi sa članom 70. stavovi 1., 3. i 6. Zakona o javnim nabavkama (Službeni glasnik BiH broj 39/14), člana 70. Zakona o organizaciji organa uprave u Federaciji Bosne i Hercegovine („Službene novine FBiH, broj 35/05 ) člana 15. Zakona o principima lokalne samouprave u Federaciji Bosne i Hercegovine („ Službene novine FBiH“ broj 49/06) člana 42. Statuta Općine Banovići ( Službeni glasnik općine Banovići broj 3/08) i Preporuke Komisije za javnu nabavku, broj: 01-05-1116/17-5 od 01. 08. 2017. godine u postupku javne nabavke „Izvođenje radova na rekonstrukciji i dogradnji centralnog vodovoda u MZ Banovići Selo“ Općinski načelnik donosi

### ODLUKU O IZBORU NAJPOVOLJNIJEG PONUĐAČA

#### Član 1.

Prihvata se Preporuka Komisije za javnu nabavku broj: 01-05-1116/17-5 od 01. 08. 2017. godine i Ugovor za javnu nabavku radova „Izvođenje radova na rekonstrukciji i dogradnji centralnog vodovoda u MZ Banovići Selo“ dodjeljuje ponuđaču „GRADNJA 1“ d.o.o. Tešanj sa sjedištem u Tešnju, Rosulje bb, Jelah Tešanj, Ponuda broj 01-P-46/17 za ponuđenu cijenu sa popustom bez PDV-a u iznosu od 286.919,78 KM, kao najbolje ocijenjenom ponuđaču.

#### Član 2.

Prijedlog Ugovora o nabavci radova dostavit će se na potpis izabranom ponuđaču iz člana 1. ove Odluke po proteku roka od 15 dana, računajući od dana od kada su svi ponuđači obaviješteni o izboru najpovoljnije ponude.

#### Član 3

Ova Odluka stupa na snagu danom donošenja i objavit će se na internet stranici [www.banovici.gov.ba](http://www.banovici.gov.ba) istovremeno s njenim upućivanjem svim ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama ( Službeni glasnik Bosne i Hercegovine, broj 39/14).



## o b r a z l o ž e n j e

Odlukom o pokretanju postupka javne nabavke radova broj: 01-05-1116/17 od 07. 07. 2017. godine donesenom od strane ovog organa pokrenut je postupak javne nabavke radova „Izvođenje radova na rekonstrukciji i dogradnji centralnog vodovoda u MZ Banovići Selo“

Predmetna javna nabavka predviđena je Planom javnih nabavki općine Banovići za 2017. godinu, broj 01-05-18/17 od 10. 01. 2017. godine, evidencijski broj: 155 i Izmjenom i dopunom plana javnih nabavki općine Banovići za 2017.godinu broj 01-05-897/17 od 15.05.2017.godine, evidencijski broj 6i

Procijenjena vrijednost javne nabavke bez PDV-a je 340.000,00 KM.

Javna nabavka sprovedena je otvorenim postupkom javne nabavke

Broj obavještenja o nabavci sa Portala javnih nabavki 1220-1-3-106-3-41/17 od 07.07. 2017. godine,

Tenderska dokumentacija objavljena je na Portalu javnih nabavki <https://www.ejn.gov.ba> dana 07.07.2017. godine

Podaci o e-aukciji: nije predviđeno je provođenje e-aukcije

Podaci o okvirnom sporazumu: nije predviđeno zaključivanje okvirnog sporazuma

Broj Službenog Glasnika BiH u kojem je objavljeno obavještenje o javnoj nabavci: 51/17 od 14.07.2017.godine

Jrjn oznaka predmeta 45232151-5

Jrjn naziv predmeta javne nabavke radovi na obnovi vodovodne mreže

Komisija za javne nabavke imenovana rješenjem broj: 01-05-1306/17 od 27. 07. 2017 godine, ovom organu dostavila je dana 01. 08. 2017. godine Zapisnik o pregledu i ocjeni ponuda broj: 01-05-1116/17-1 od 31. 07. 2017. godine, Zapisnik o pregledu i ocjeni ponuda broj: 01-05-1116/17-4 od 01. 08. 2017. godine i Preporuku o izboru najpovoljnijeg ponuđača broj: 01-05-1116/17-5 od 01. 08. 2017. godine u postupku javne nabavke radova „Izvođenje radova na rekonstrukciji i dogradnji centralnog vodovoda u MZ Banovići Selo“.

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu pristiglih ponuda, o čemu je sačinila odgovarajuće zapisnike, u kojima je utvrđeno slijedeće:

- da je ukupan broj pristiglih ponuda 7 (sedam) i to ponude slijedećih ponuđača:

1. „Š.F.-INŽENJERING“ d.o.o. Tuzla, sa sjedištem u Tuzi, ulica Turalibegova broj 22 (datum predaje ponude 28. 07. 2017. godine; vrijeme predaje ponude 10:41 h),
2. „PAPILON“ d.o.o. Čelić, sa sjedištem u Čeliću, ulica Abdulaha Kovačevića broj 89. (datum predaje ponude 28. 07. 2017. godine; vrijeme predaje ponude 11: 05h),
3. „GRADNJA 1“ d.o.o. Tešanj sa sjedištem u Tešnju, Rosulje bb, Jelah Tešanj (datum predaje ponude 28. 07. 2017. godine; vrijeme predaje ponude 11: 19h),
4. GPP BANOVIĆI“ d.o.o. Banovići, sa sjedištem u Banovićima ulica Armije BiH broj 36. (datum predaje ponude 28. 07. 2017. godine; vrijeme predaje ponude 11:32 h),
5. „ROADING“ d.o.o. Gračanica, sa sjedištem u Gračanici, Sprečanski put bb (datum predaje ponude 28. 07. 2017. godine; vrijeme predaje ponude 11:45 h),
6. „TEHNOINŽENJERING“ d.o.o. Tuzla, sa sjedištem u Tuzli D.Brdo broj 31. (datum predaje ponude 28. 07. 2017. godine; vrijeme predaje ponude 11:48 h),
7. „DŽENA“ d.o.o. Gradačac, sa sjedištem u Gradačcu, ulica Hasana Kikića bb (datum predaje ponude 28. 07. 2017. godine; vrijeme predaje ponude 11:49 h),

- da su sve pristigle ponude blagovremene,

- da su ponude slijedećih ponuđača ocijenjene neprihvatljivima:

**1. Ponuda ponuđača „PAPILON“ d.o.o. Čelić obijena je kao neprihvatljiva iz razloga kako slijedi:**

**- Ponuđač nije uspio dokazati svoju tehničku i profesionalnu sposobnost:**

Ponuđač nije dostavio spisak izvršenih ugovora koji nije sačinjen na propisanom i obrascu Ugovornog organa kako je to traženo TD, nego je sačinio vlastiti spisak izvršenih ugovora, referenc listu izvedenih radova što je u suprotnosti sa odredbama TD. Analizirajući dostavljene potvrde utvrđeno je da se potvrda broj 185/15 od 23.10.2015.godine izdata od Ostap Engineering & Consulting GmbH Wien ne može smatrati relevantnom jer se prema podacima potvrde radi o ugovoru zaključenom 17.07.2012.godine, što je izvan roka od 5 godina. Također navedena potvrda je neispravna jer nije izdata od naručioca radova tj. Općine Čelić, nego od glavnog izvođača. Zbog svega navedenog podnedeni dokaz je neprihvatljiv.



Druga dostavljena potvrda „Izgradnja sekundarne vodovodne mreže naselja 1.Maj“ nije izdata od strane naručioca radova, nego ista sadrži pečat Ponuđača, te je kao takva neispravna.

Dostavljena potvrda broj 02-14-73/14 izdata od Općine Čelić sadrži potvrdu o uredno izvršenom ugovoru, čija vrijednost iznosi 147.061,69 KM što je manje od 80% procijenjene vrijednosti nabavke.

Analizirajući dalje ponudu ponuđača „PAPILON“ d.o.o. Čelić utvrđeno je da dostavljeni dokazi (diploma i dokaz o položenom stručnom ispitu za lice odgovorno za izvođenje radova (voditelj gradnje) ne dokazuju da lice ima potreban broj godina radnog iskustva, najmanje 3 godine. Naime, iz diplome se može utvrditi da je lice zvanje dipl.ing.građ. steklo 05.02.2016.godine, a stručni ispit položilo 26.05.2017.godine. Iz svega se može zaključiti da lice nema potreban broj godina radnog iskustva kao diplomirani inženjer građevinarstva.

Dakle Ponuđač nije uspio dokazati da ima uspješno realizirana tri ugovora istog ili sličnog predmeta nabavke, niti je dokazao obrazovnu i profesionalnu kvalifikaciju lica odgovornog za izvođenje radova odnosno nije dokazao svoju profesionalnu i tehničku sposobnost te je ponuda iz navedenog razloga ocijenjena kao neprihvatljiva.

## **2. Ponuda ponuđača GPP BANOVIĆI“ d.o.o. Banovići obijena je kao neprihvatljiva iz razloga kako slijedi:**

### **Ponuđač nije uspio dokazati svoju tehničku i profesionalnu sposobnost:**

Ponuđač je u Ponudi dostavio spisak izvršenih ugovora na kojem se nalaze 4 ugovora.

Ugovor pod rednim brojem 1. ne može se prihvatiti kao relevantan za ovu javnu nabavku jer je prema podacima sa spiska i potvrde ugovor zaključen 28.05.2012.godine a radovi okončani 13.06.2012.godine što je izvan postavljenog roka od 5 godina propisanog zakonom i TD.

Ugovor pod rednim brojem 3. ne može se prihvatiti kao relevantan za ovu javnu nabavku jer izgradnja stambeno poslovnog objekta kolektivnog stanovanja (radovi na vodovodnim i kanalizacionim instalacijama u okviru tog objekta) nije isti ili sličan, odnosno nije u vezi s predmetom nabavke ni po vrsti objekta, ni po sadržaju niti zahtjevnosti.

Predmet nabavke je izgradnja vodnog objekta (radovi iz oblasti vodoprivrede: gradnja vodovoda, kanalizacije i regulacije riječnih korita), dok se u dostavljenoj potvrdi radi o stambeno-poslovnom objektu kolektivnog stanovanja.

Dakle Ponuđač nije uspio dokazati da ima uspješno realizirana tri ugovora istog ili sličnog predmeta nabavke,odnosno nije dokazao svoju profesionalnu i tehničku sposobnost te je ponuda iz navedenog razloga ocijenjena kao neprihvatljiva.

## **3. Ponuda ponuđača „TEHNOINŽENJERING“d.o.o. Tuzla obijena je kao neprihvatljiva iz razloga kako slijedi:**

### **- Ponuđač nije uspio dokazati svoju tehničku i profesionalnu sposobnost:**

Na spisku izvršenih ugovora i kroz potvrde druge ugovorne strane o urednom izvršenju ugovora ponuđač je uspio dokazati da ima uredno izvršena dva ugovora, što je suprotno zahtjevima Tenderske dokumentacije.

Dakle Ponuđač nije uspio dokazati da ima uspješno realizirana tri ugovora istog ili sličnog predmeta nabavke,odnosno nije dokazao svoju profesionalnu i tehničku sposobnost te je ponuda iz navedenog razloga ocijenjena kao neprihvatljiva

### **- Ponuda ponuđača je nepotpuna tj. ne sadrži sve obavezne elemente ponude:**

Ponuđač u Ponudi je umjesto propisanog obrasca Izjave o garantnom roku za izvedene radove (Aneks 7.) dostavio obrazac izjave o garantnom roku za izvedene radove za nabavku „Izradnje dovodnog gravitacionog cjevovoda i kaptaze za potrebe vodosnabdijevanja MZ Brezovača“, umjesto propisanog obrasca Izjave o prihvaćanju općih i posebnih uslova iz tenderske dokumentacije (Aneks 6) dostavio je obrazac Izjave o prihvaćanju općih i posebnih uslova iz tenderske dokumentacije nabavku „Izradnje dovodnog gravitacionog cjevovoda i kaptaze za potrebe vodosnabdijevanja MZ Brezovača“ te umjesto propisanog obrasca za cijenu ponude (Aneks 2) dostavio je obrazac za cijenu ponude za nabavku „Izradnje dovodnog gravitacionog cjevovoda i kaptaze za potrebe vodosnabdijevanja MZ Brezovača“

Navedeni propisani obrasci su sastavni dio Td i obavezni su dio ponude te njihovim nedostavljanjem ili dostavljanjem pogrešnih obrazaca ponuda se ne može smatrati potpunom i ispravnom.

Iz navedenog razloga ponuda će biti ocijenjena neprihvatljivom

Ponuđač, također, nije u cjelosti popunio prijedlog ugovora (Aneks 9), član 1., član 3. i član 17. Ugovora nisu popunjeni.



Obavezan sadržaj ponude je i prijedlog Ugovora koji mora biti popunjen, potpisan i ovjeren od strane Ponuđača. Popunjen, potpisan i ovjeren od strane Ponuđača ugovor u formi u kojoj je dat kao sastavni dio Tenderske dokumentacije je obavezni sastavni dio ponude te njegovim nepopunjavanjem ponuda ne može smatrati potpunom i ispravnom.

Iz navedenog razloga ponuda će biti ocijenjena neprihvatljivom

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, ovaj organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama podzakonskim aktima, internim aktima i Tenderskim dokumentom.

Uvidom u priloženu dokumentaciju, nesporno je da je izabrani ponuđač „GRADNJA 1“ d.o.o. Tešanj sa sjedištem u Tešnju, Rosulje bb, Jelah Tešanj najbolje ocijenjen na osnovu kriterijuma najniže cijene, koja je ponuđena u ukupnom iznosu od 286.919,78 KM bez PDV-a, Ponuda broj: 01-P-46/17, dok su preostali ponuđači čije su ponude ocijenjene prihvatljivima ponudili ukupne cijene bez PDV-a:

Redni broj i firma ponuđača	Ukupna cijena (bez PDV-a)	Popust %	Ukupna cijena sa popustom ( bez PDV-a)
2. 1. Š.F.-INŽENJERING“ d.o.o. Tuzla	313.260,51KM	5%	297.597,48 KM
3. 5. „ROADING“ d.o.o. Gračanica	371.475,86 KM	0	371.475,86 KM
4. 7. „DŽENA“ d.o.o. Gradačac	430.149,17 KM	5,5%	406.490,97 KM

čime je utvrđen i njihov sukcesivni red.

Iz navedenih razloga, primjenom člana 64. stav 1. tačka b. Zakona o javnim nabavkama, odlučeno je kao u članu 1. ove Odluke.

#### **POUKA O PRAVNOM LIJEKU:**

Protiv ove Odluke dopuštena je žalba. Žalba se izjavljuje Uredu za razmatranje žalbi Bosne i Hercegovine, Filijala URŽ-a u Mostaru putem ugovornog organa u roku od 10 dana od dana prijema Odluke. Žalba se dostavlja u tri istovjetna primjerka u pisanoj formi direktno ili preporučenom poštanskom pošiljkom na adresu Općina Banovići, ulica Alije Dostovića br. 1. 75290 Banovići.

#### **DOSTAVITI:**

- 1x Svim ponuđačima
- koji su učestvovali u postupku JN
- 1x U spis
- 1x a/a

**OPĆINSKI NAČELNIK**

**Midnat Husić**